



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola XXV. Alexandri Papae II. Ad Gervasivm Archiepiscopvm
Rhemensem. Vt corpus sancti Mennii ab ecclesia sua indebit per
Catalaunensium episcopum translatum ad propriam ecclesiam
comminatione ...

urn:nbn:de:hbz:466:1-15625

EPISTOLA XXIV.

ALEXANDRI PAPÆ II.

AD GERVASIVM RHEMENSEM ET SENONENSEM
ARCHIEPISCOPOS, EORVMQUE SVFFRAGANEOS.

Causam diuortii inter Ra. comitem eiusque vxorem
vtrique diiudicandam committit.

*Alexander episcopus seruus seruorum Dei carissimo fratri Gerua-
sio Rhemensi archiepiscopo, omnibusque suffraganeis suis, nec
non Senonensi archiepiscopo, suisque suffraganeis, salutem &
apostolicam benedictionem.*

MVPLIER ista, præsentium literarum portatrix, aposto-
lorum limina adiens, conquesta est quod ei comes
Ra. omnia bona sua abstulerit, eaque dimissa, crimine for-
nitionis fallaciter obiecto, alteram ducere velit: quod
quam sit diuinis & humanis legibus contrarium, fraterni-
tas vestra perpendat. Quapropter studeat religio vestra
ipsum conuenire: & si causa talis est, vt ista afferit, reddi-
tis propriis bonis, vt ipsa ab eodem recipiatur satagite.
Quod si ipse rationi acquiescere recusauerit, vos super
eum canonicum deliberate iudicium, quod nos sequen-
tes sanctorum patrum auctoritatem, vbi sententiam ve-
stram audierimus, confirmabimus.

EPISTOLA XXV.

ALEXANDRI PAPÆ II.

AD GERVASIVM ARCHIEPISCOPVM RHEMENSEM.

Vt corpus sancti Mennii ab ecclesia sua indebite per Ca-
talaunensium episcopum translatum ad propriam ec-
clesiam comminatione censurarum ecclesiasticarum
referatur.

*Alexander episcopus seruus seruorum Dei Geruasio Rhemensi epi-
scopo confratri dilectissimo salutem & apostolicam
benedictionem.*

QVONIAM ad vniuersalem sedem, cui diuina prouiden-
tia præsidemus, lacrymabilis & inaudita ecclesiarum san-
cti

Et Mennii querimonia est, ablata sanctissima, scilicet, eius corporis absentia desolata, domibus quoque & ceteris omnibus bonis impie & sine more denudata, lacrymas nos & Romanam fundere cogit ecclesiam. Vnde fraternitati tua rogando curauimus mandare, ut corpus sanctissimi viri ab episcopo Catalaunensium a propria se de deportatum, & quod lacrymabilius est, cruentis armatorum militum manibus velut in partem prædæ discissum, ad propria redire, remota omni excusationis simulatione, facias. Eversionem quoque domorum, & direptionem ceterorum bonorum, sicut iustum est, & officium magisterii tui decet, ut emendare compellas, ex parte beatorum apostolorum Petri & Pauli præcipiendo mandamus. Quod si sententia nostra, imo tua iusta deliberationi patere noluerit, virga magistratus tui ex auctoritate sancti Petri ardentissime feriatur.

FRAGMENTA QVÆDAM EPISTOLARVM
ALEXANDRI PAPÆ II.

Vvilielmo marchioni.

Audiuimus quod Henricus Rauennas, dictus archiepiscopus, nisus sit te excommunicare: quod quia excommunicatus excommunicare non potuit, apostolica auctoritate te tuosque absoluentes mandamus exinde non curare.

Episcopis & regi Dalmatarum.

Si quis amodo episcopus, presbyter, diaconus, feminam acceperit, vel acceptam retinuerit, proprio gradu decidat, vsque ad satisfactionem, nec in choro psallentium maneat, nec aliquam portionem de rebus ecclesiasticis habeat.

Dominico Gradensi patriarchæ.

Erubescant impii, & aperte nos intelligent iudicio sancti Spiritus eos qui in tribus sacris gradibus, presbyteratu scilicet, diaconatu & subdiaconatu positi, mulierculas non abiecerunt, & caste non vixerunt, excludere ab eorum-

Concil. Tom. 25.

LIII